

Arazo kliniko desberdinetako ezagutza klinikoaren kudeaketa eta erabilerarako sistema

Osasun sistema publiko edo pribatuetako kudeaketa administratiboa alde batera utzita, sensagile eta erizainek lanean erabiltzen dituzten gida klinikoak kudeatzea eta web bidez eskuragarri jartzea da arlo honetako lanen helburua. Domeinu honetan bi rol identifikatu ditzakegu:

- Gida-emaileak edo gida klinikoen sortzaileak gaixotasun desberdinen baheketa, diagnostiko, tratamendua eta jarraipena egiteko gidak sortu eta mantentzen dituzte. Agentzia ofizialak izaten dira eta ebidentzia zientifikoan oinarrituako txostenak argitaratzen dituzte.
- Gida-kontsultatzaileak edo gida klinikoen erabiltzaileak (sendagileak, erizainak, ikasleak, gaixoak, gurasoak, hiritarrak) momentu batean behar duten informazio guztia eskuragarri izan behar dute.

Gaixotasun mota bakoitzak bere ezaugarri partikularrak ditu eta bere informazioa transmititzeko betekizunak desberdinak izan daitezke: Informazio era lokalean edo web bidez ematea, gaixoaren egoera adierazten duten datuak modu desberdinetan sartzea, ezagutza modu desberdinetan adieraztea (testu, lan-fluxu edo, prozesu bidez), kontsultaren emaitza modu desberdinetan aurkeztea, informazio gehigarria ere eskuragarri jartzea (bibliografia, terminologia, artikuluen testua, azalpenak, etab).